

Arfernik angisuunik illersuineq piniarnerlu pillugit Namminersorlutik Oqartussat nalunaarutaat

Piniarnek aallaaniarnerlu pillugit Inatsisartut inatsisaanni nr. 12, 29. oktober 1999-meersumi § 2, imm. 4, § 8, §§ 11-13, § 15, imm. 4 aamma § 17, kingullermik Inatsisartut inatsisaatigut nr. 1, 16. maj 2008-meersukkut allanngortinneqartumi, aamma Inatsisartut pinngortitamik illersuineq pillugu inatsisaanni nr. 29, 18. december 2003-meersumi §§ 5, 35, 36, 60 aamma 61 kiisalu inatsisartut uumasunik illersuineq pillugu inatsisaanni nr. 25, 18. december 2003-meersumi § 13 aamma § 27, imm. 2 malillugit aalajangersarneqarpoq:

Atuuffia

§ 1. Nalunaarummi matumani "arferit angisuut" tassaapput tikaagullit, tikaagulliusaat, arfviit, qipoqqaat arferillu tikaagullinnit anginerusut soqqallit allat, kiisalu kigutilissuit.

Eqqissisimatitsineq

§ 2. Imartani Kalaallit Nunaata aalisarnikkut oqartussaaffigisaani arferit angisuut aallaaneqarnissaat pisarineqarnissaallu inerteqqutaavoq, taamaattorli imm. 2 takuuk.

Imm. 2. Tikaagullit, tikaagulliusaat, arfviit aamma qipoqqaat nalunaarummi matumani maleruagassat malillugit imm. 1-imi inerteqqummut ilaatinneqanngillat.

Imm. 3. Arfernik angisuunik annertuumik ikilikkanik toqulersunik, qassutini aalisarnermulluunniit atortuni allani ilagussimasunik sassaasunilluunniit toqutsineq siumut Aalisarnermut, Piniarnermut Nunalerinermullu Naalakkersuisoqarfimmit akuersissuteqarfigineqareerluni pisinnaavoq.

Imm. 4. Maleruagqusanik unioqqutitsinani tikaagullimmik, tikaagulliusaamik, arfvimmik imaluunniit qipoqqarmik pisaqarnermi, pisaq inunnit nerissallugu piukkunnanngitsoq paasinarsissagaluarpas, pisap nappaateqarneranik imaluunniit allamik pissuteqartumik, Aalisarnermut, Piniarnermut Nunalerinermullu Naalakkersuisoqarfik akuersissuteqarsinnaavoq, pisaq toqutsinertut isigineqarsinnaasoq. Pisaqarnermi akuersissut atorineqarsimappat taanna atuutiinnassaaq.

Imm. 5. Imm. 3 aamma imm. 4 malillugit arferit toqunneqartut atorineqarnissaannut piumasaqaatit Aalisarnermut, Piniarnermut Nunalerinermullu Naalakkersuisoqarfimmit aalajangersarneqassapput.

Arfviit

§ 3. Aalisarnermut, Piniarnermut Nunalerinermullu Naalakkersuisoqarfik Kalaallit Nunaanni Aalisartut Piniartullu Kattuffiat (KNAPK) Kommunillu Kattuffiat (KANUKOKA) tusarniaaffigereerlugit ukiut tamaasa nalunaarutigisarpai Kitaani arfviit qassit ukioq taanna pisarineqarsinnaassanersut.

Imm. 2. Aalisarnermut, Piniarnermut Nunalerinermullu Naalakkersuisoqarfup qaammatisiutit malillugit

ukioq taanna pisaqarnissamut akuersissutikkut aalajangersorsinnaavai arfanniarnermi piumasaqaatit erseqqinnerusut, ilaatigut piniariaatsit assigiinngitsut nalilersorneqarnissaat siunertaralugu.

§ 4. Taamaallaat arfiviit inersimasut eqqaallugillu piniarneqarsinnapput piffissami 1. aprilimiit 31. decemberimut, ullut taaneqartut ilanngullugit.

Imm. 2. Taamaallaat inuit akuersissutaateqartut arfivinniarnissamullu atortunik akuerisanik peqartut arfivinniarsinnaapput, takukkit §§ 5, 15 aamma 20. Atortut ingerlatsivimmit (nit) Aalisarnermut, Piniarnermut Nunalerinermullu Naalakkersuisoqarfiup taamaaliornissamut pisinnaatissimasaanit akuerineqarsimasuussapput.

Imm. 3. Arfiviit piaqqisarpata arnaat piaraalluunniit eqqaanneqarnatillu pisarineqassanngillat.

Arfivinniarnermi atortut

§ 5. Angallatit arfivinniarnissamut akuerisat ukuupput:

1) Arfivimmut ataatsimut angallatit pingasut tamarmik minnerpaamik 36 fod-inik takissusillit.

Imm. 2. Angallatit imm. 1-imi taaneqartut Søfartsstyrelsenimi GR-normulernerqarlutik nalunaarsorsimassapput, radiukkut kaldesignaleqarlutik nalunaarsorsimasumillu piginnitseqarlutik.

Imm. 3. Angallatit imm. 1-imi taaneqartut qamutilinnik tuukkartalinnik aamma ningittakkanut qalorsuarnulluunniit amoorutininik minnerpaamik tonsinik tallimanik qaqitsisinnaassusilinnik amooruteqassapput imaluunniit kraftblokkinik atortuligaassallutik. Angallatit tamarmik aleqassapput sioqutalimmik avataqassallutillu pisarineqartup kivisinnginnissaanut naammattunik.

Imm. 4. Arfivinniarnermi taamaallaat atorneqarsinnaapput qamutillit tuukkartallit min-nerpaamik 50 mm-inik sulloqqortussusillit tuukkallu nuuatigut ikkuttakkanik tikaagulliusaamut atortakkamik qaartartortallit, takukkit §§ 15 aamma 16. Qaartartut Aalisarnermut, Piniarnermut Nunalerinermullu Naalakkersuisoqarfimmit akuerineqarsimasuussapput.

Imm. 5. Arfivinniarnernit tamaasa angallatit arfivinniarnermi ilaasut tuukkamik qaartartortalimmik allamik piareersimatitsisoqassaaq.

Imm. 6. Taamaallaat inuit qaartartumik tuukkap nuuanut ikkuttakkamik atuinissamut pikkorissartitsinernut peqataasimanerminnut atuuttumik uppernarsaatillit taamaattunik pisisinnaallutillu passussisinnaapput.

Imm. 7. Qaartartunik tuukkap nuuanut ikkuttakkanik taamaallaat tunisisoqarsinnaavoq imm. 6 naapertorlugu atuuttumik uppernarsaammik, kiisalu ukiumut pineqartumut akuersisummik atuuttumik takutitsisoqarneratigut.

Imm. 8. Arfivik ikiligaq toqunneqanngitsorli sapinngisamik piaartumik toqunneqassaaq. Toqutsineq pissaaq tuukkaq qaartartortalik atorlugu sakiaatigut qaartartortalimmik tuukkarterlugu.

Tikaagulliusaat

§ 6. Aalisarnermut, Piniarnermut Nunalerinermullu Naalakkersuisoqarfiup ukiut tamaasa KNAPK aamma KANUKOKA tusarniaavigereerlugit nalunaarutigisassavaa qaammatisiutit malillugit ukiumi tassani Kalaallit Nunaata Kitaani tikaagulliusaat qassit amerlanerpaamik pisarineqarsinnaanersut.

Imm. 2. Ukiumi pineqartumi akuersisummumut atatillugu arfanniarnermut piumasaqaatinik erseqqinnerusunik Aalisarnermut, Piniarnermut Nunalerinermullu Naalakkersuisoqarfik aalajangersaasinnaavoq, ilaatigut piniariaatsit sunniutaasa naliliivigineqarnissaat siunertaralugu.

§ 7. Taamaallaat tikaagulliusaat 15,2 meterinit takinerusut eqqaanneqarlutillu pisinineqarsinnaapput piffissami 1. januarimiit 31. decemberimut, ullut taaneqartut ilanngullugit.

Imm. 2. Inuit akuersissummik peqartut tikaagulliusaarniarnissamullu akuerisanik atortoqartut kisimik tikaagulliusaarsinnaatitaapput, takukkit §§ 8, 15 aamma 20. Atortut ingerlatsivimmit(nit) Aalisarnermut, Piniarnermut Nunalerinermullu Naalakkersuisoqarfiup taamaaliornissamut pisinnaatissimasaanit akuerineqarsimasuussapput.

Imm. 3. Tikaagulliusaat piaqqisarpata arnavissat piaqqalluunniit eqqaanneqarnatillu pisinineqassanngillat.

Tikaagulliusaarniarnermi atortut

§ 8. Angallatit tikaagulliusaarniarnissamut akuerisat ukuupput:

1) Angallat minnerpaamik 36 fodinik takissusilik.

2) Tikaagulliusaamut ataatsimut angallatit marluk tamarmik minnerpaamik 30 fodinik takissusillit.

Imm. 2. Angallatit imm. 1-imi taaneqartut Søfartsstyrelsemi GR-normulernerqarlutik nalunaarsorsimassapput, radiukkut kaldegnaleqarlutik nalunaarsorsimasumillu piginnitseqarlutik.

Imm. 3. Angallatit imm. 1-imi taaneqartut qamutilinnik tuukkartalinnik aamma ningittakkanut qalorsuarnulluunniit amoorutininik minnerpaamik tonsinik tallimanik qaqitsisinnaassusilinnik amooruteqassapput imaluunniit kraftblokkinik atortuligaassallutik. Angallatit tamarmik aleqassapput sioqutalinnik avataqassallutillu pisinineqartup kivisinnginnissaanut naammattunik.

Imm. 4. Tikaagulliusaarniarnermi taamaallaat atorineqarsinnaapput qamutillit tuukkartalit minnerpaamik 50 mm-inik sulloqqortussusillit tuukkallu nuuatigut ikkuttakkanik tikaagulliusaamut atortakkamik qaartartortalit, takukkit §§ 15 aamma 16. Qaartartut Aalisarnermut, Piniarnermut Nunalerinermullu Naalakkersuisoqarfimmit akuerineqarsimasuussapput.

Imm. 5. Tikaagulliusaarniarnernit tamaasa tuukkamik qaartartortalinnik allamik piareersimatitsisoqassaaq.

Imm. 6. Taamaallaat inuit qaartartumik tuukkap nuuanut ikkuttakkanik atuinnissamut pikkorissartitsinernut peqataasimanerminnut atuuttumik uppersaattillit taamaattunik pisinnaallutillu passussisinnaapput.

Imm. 7. Qaartartumik tuukkap nuuanut ikkuttakkanik taamaallaat tunisoqarsinnaavoq imm. 6 naapertorlugu atuuttumik uppersaammik, kiisalu ukiumut pineqartumut akuersissummik atuuttumik takutitsisoqarneratigut.

Imm. 8. Tikaagulliusaaq ikiligaq toqunneqanngitsorli sapinngisamik piaartumik toqunneqassaaq. Toqutsineq pissaaq tuukkaq qaartartortalik atorlugu niaquatigut qaartartortalinnik tuukkartalorlugu.

Tikaagullit

§ 9. Aalisarnermut, Piniarnermut Nunalerinermullu Naalakkersuisoqarfik KNAPK KANUKOKA-lu tusarniaaffigereelugit ukiut tamaasa nalunaarutigisarpai Kitaani Tunumilu amerlanerpaamik tikaagullit qassit ukioq taanna pisinineqarsinnaassanersut.

Imm. 2. Ukiumi pineqartumi akuersissummik atatillugu arfanniarnermut piumasaqaatinik erseqqinnerusunik Aalisarnermut, Piniarnermut Nunalerinermullu Naalakkersuisoqarfik aalajangersaasinnaavoq, ilaatigut piniariaatsit sunniutaasa naliliivigineqarnissaat siunertaralugu.

§ 10. Tikaagullit taamaallaat pisinineqarsinnaapput piffissami 1. aprilimiit 31. decemberimut, ullut taaneqartut ilanngullugit.

Imm. 2. Taamaallaat inuit akuersissummik peqartut akuerisanillu tikaagullinniarnissamut atortoqartut tikaagullinniansinnaapput, takukkit §§ 11, 15 aamma 20. Atortut ingerlatsivimmit (nit) Aalisarnermut, Piniarnermut Nunalerinermullu Naalakkersuisoqarfiup taamaaliornissamut pisinnaatissimasaanit akuerineqarsimasuussapput.

Imm. 3. Tikaagulliit piaqqisarpata arnavissat piaqqalluunniit eqqaanneqarnatillu pisinneqassanngillat.

Tikaagullinniarnermi atortut

§ 11. Angallatittuukkartalimmikqamutilillit tikaagullinniarnermut ilaasut 30 aamma 70 fodit akornanni takissuseqassapput, ningittakkanut qalorsuarnulluunniit amooruteqassallutik minnerpaamik tonsinik marlunnik kivitsisinnaasunik, imaluunniit angallatit kraftblokumik atortuligaasimassallutik.

Imm. 2. Angallatit imm. 1-imi taaneqartut Søfartsstyrelsemi GR-normulerlugit nalunaarsorsimassapput, radiukkut kaldesignaleqassallutik piginnittuulu nalunaarsorsimasuussallutik.

Imm. 3. Tikaagullinniarnermi taamaallaat qamutilit tukkartallit 50 mm-imik sulloqqortussusillit tikaagullinnut atugassamik qaartartortalit atorineqarsinnaapput, takukkit §§ 15 aamma 16. Qaartartut arfernut atugassat Aalisarnermut, Piniarnermut Nunalerinermullu Naalakkersuisoqarfimmit akuerineqarsimasuussapput.

Imm. 4. Taamaallaat inuit qaartartumik tuukkap nuuanut ikkuttakkamik atuinnissamut pikkorissartitsinernut peqataasimanerminnut atuuttumik uppersaatillit taamaattunik pisinnaallutillu passussisinnaapput.

Imm. 5. Qaartartumik tuukkap nuuanut ikkuttakkanik taamaallaat tunisisoqarsinnaavoq imm. 4 naapertorlugu atuuttumik uppersaammik, kiisalu ukiumut pineqartumut akuersissummik atuuttumik takutitsisoqarneratigut.

Imm. 6. Tikaagulliusaaq ikiligaq toqunneqanngitsorli sapinngisamik piaartumik toqunneqassaaq. Toqutsineq pissaaq niaquatigut aallaallugu, tuukkarmik qaartartortalimmik imaluunniit qoorortuumik minnerpaamik 7,62 mm-imik (30.06) sulloqqortussusilimmik.

Qipoqqaat

§ 12. Aalisarnermut, Piniarnermut Nunalerinermullu Naalakkersuisoqarfik Kalaallit Nunaanni Aalisartut Piniartullu Kattuffiat (KNAPK) Kommunillu Kattuffiat (KANUKOKA) tusarniaaffigereerlugit ukiut tamaasa nalunaarutigisarpai Kitaani qipoqqaat qassit ukioq taanna pisinneqarsinnaassanersut.

Imm. 2. Aalisarnermut, Piniarnermut Nunalerinermullu Naalakkersuisoqarfiup qaammatisiutit malillugit ukioq taanna pisaqarnissamut akuersissutikkut aalajangersorsinnaavai arfanniarnermi piumasaqaatit erseqqinnerusut, ilaatigut piniariaatsit assigiinngitsut nalilersorneqarnissaat siunertaralugu.

§ 13. Taamaallaat qipoqqaat inersimasut eqqaallugillu piniarneqarsinnapput piffissami 1. aprilimiit 31. decemberimut, ullut taaneqartut ilanngullugit.

Imm. 2. Taamaallaat inuit akuersissutaateqartut qipoqqarniarnissamullu atortunik akuerisanik peqartut qipoqqarniansinnaapput, takukkit §§ 14, 15 aamma 20. Atortut ingerlatsivimmit (nit) Aalisarnermut, Piniarnermut Nunalerinermullu Naalakkersuisoqarfiup taamaaliornissamut pisinnaatissimasaanit akuerineqarsimasuussapput.

Imm. 3. Qipoqqaat piaqqisarpata arnaat piaraalluunniit eqqaanneqarnatillu pisinneqassanngillat.

Qipoqqarniarnermi atortut

§ 14. Angallatit qipoqqarniarnissamut akuerisat ukuupput:

1) Qipoqqarmut ataatsimut angallatit ikinnerpaamik marluk tamarmik minnerpaamik 36 fod-inik takissusillit.

Imm. 2. Angallatit imm. 1-imi taaneqartut Søfartsstyrelsenimi GR-normulerneqarlutik nalunaarsorsimassapput, radiukkut kaldeignaleqarlutik nalunaarsorsimasumillu piginnitseqarlutik.

Imm. 3. Angallatit imm. 1-imi taaneqartut qamutilinnik tuukkartalinnik aamma ningittakkanut qalorsuarnulluunniit amoorutininik minnerpaamik tonsinik tallimanik qaqitsinnaassusilinnik amooruteqassapput imaluunniit kraftblokiminik atortuligaassallutik. Angallatit tamarmik aleqassapput sioqutalimmik avataqassallutillu pisinineqartup kivisinnginnissaanut naammattunik.

Imm. 4. Qipoqqarniarnermi taamaallaat atorineqarsinnaapput qamutillit tuukkartallit minnerpaamik 50 mm-inik sulloqqortussusillit tuukkallu nuuatigut ikkuttakkanik qipoqqarniarnermut atortakkamik qaartartortallit, takukkit §§ 12 aamma 13. Qaartartut Aalisarnermut, Piniarnermut Nunalerinermullu Naalakkersuisoqarfimmit akuerineqarsimasuussapput.

Imm. 5. Qipoqqarniarneri tamaasa angallatit qipoqqarniarnermi ilaasut tuukkamik qaartartortalimmik allamik piareersimatitsisoqassaaq.

Imm. 6. Taamaallaat inuit qaartartumik tuukkap nuuanut ikkuttakkamik atuinissamut pikkorissartitsinernut peqataasimanerminnut atuuttumik uppersaattillit taamaattunik pisinnaallutillu passussinnaapput.

Imm. 7. Qaartartumik tuukkap nuuanut ikkuttakkanik taamaallaat tunisisoqarsinnaavoq imm. 6 naapertorlugu atuuttumik uppersaammik, kiisalu ukiumut pineqartumut akuersisummik atuuttumik takutitsisoqarneratigut.

Imm. 8. Qipoqqaq ikiligaq toqunneqanngitsorli sapinngisamik piaartumik toqunneqassaaq. Toqutsineq pissaaq tuukkaq qaartartortalik atorlugu sakiaatigut qaartartortalimmik tuukkartalorlugu.

Qamutillit tuukkartallit ataatsimut isigalugit

§ 15. Qamutillit tuukkartallit tikaagullinniarnermut, tikaagulliusaarniarnermut, arfvinniarnermut qipoqqarniarnermullu atorineqartut teknikikkut atorsinnaassutsimikkullu akornuteqassanngillat, taamaalluni inuit ajoquseriataarnissaannut ulorianartorsiortitsissanatik. Taamatuttaaq piniarnermut atortut imatut siunertarineqartunut naleqqutsigissapput arfermik toqusaaneq sapinngisamik sukkarnerpaamik pisinnaassalluni.

Imm. 2. Qamutilimmik tuukkartalimmik angallamut ikkussineq tamatigut suliffeqarfimmit Aalisarnermut, Piniarnermut Nunalerinermullu Naalakkersuisoqarfimmit taamaaliornissamut piginnaatinneqarsimasumit akuersissutigineqarsimassaaq.

§ 16. Qamutillit tuukkartallit tamarmik ukioq allortarlugu ingerlatsivimmit Aalisarnermut, Piniarnermut Nunalerinermullu Naalakkersuisoqarfimmit taamaaliornissamut piginnaatinneqarsimasumit misissorneqarlutillu akuerineqartassapput.

Ataatsimoorluni tikaagullinniarneq

§ 17. Aalisarnermut, Piniarnermut Nunalerinermullu Naalakkersuisoqarfik akuersissuteqarsinnaavoq ataatsimoorluni piniarnermi amerlanngitsunik qamutilimmik tuukkartalimmik sakkoqanngikkaluarluni

tikaagullittoqarsinnaaneranut. Taamatut akuersissuteqartoqarsinnaavoq piniarneq nunaqqatigiinnut annertuumik pingaaruteqarpat aamma nunaqqatigiit angallatinit tuukkartalinnik qamutililinnit neqinik nutaanik naammattumik pilersorneqarsinnaanngippata.

Imm. 2. Aalisarnermut, Piniarnermut Nunalerinermullu Naalakkersuisoqarfik ukiumi pineqartumi akuersissummi ataatsimoorluni piniarnermut erseqqinnerusumik piumasaqaatit aalajangersarsinnaavai, ilaatigut piniariaatsit sunniutigisartagaasa naliliivigineqarnissaat siunertaralugu.

Imm. 3. Aalisarnermut, Piniarnermut Nunalerinermullu Naalakkersuisoqarfup ataatsimoorluni tikaagullinniarnermut immikkut akuersissutit aalajangersarneqarsimasut kommuninut agguaatissavaat KNAPK aamma KANUKOKA isumasioqatigereerlugit, nunamut tamarmut pisassat tamarmiusut agguaanerannut peqatigitillugu.

Imm. 4. Kommunip ataatsip iluani ataatsimut piniarnermut akuersissutit agguanneqarneranni nunaqarfiit salliutinneqartassapput tulliullugillu illoqarfiit tuukkartalinnik qamutililinnik angallateqanngitsut.

Imm. 5. Taamaallaat umiatsiaaqqamik pigisallit ataatsimoorluni tikaagullinniarsinnaaneranut akuersissummik tunineqarsinnaapput.

Imm. 6. Aalisarnermut, Piniarnermut Nunalerinermullu Naalakkersuisoqarfup akuersissuteqarneranut piumasaqaataavoq

- 1) piniarneq ataatsimoorluni piniarnertut aaqqissuunneqassasoq ikinnerpaamik umiatsiaaqqat tallimat piniarnerni ataasiakkaani peqataatillugit,
- 2) angallatit tuukkartalinnik qamutiqanngitsut 30 fodit tikillugit angissusillit ataatsimoorluni piniarnermut peqataasinnaapput, kisiannili angallatit siuttuutinneqassanatik,
- 3) piniarneq qoorortuut minnerpaamik 7,62 mm-imik (30.06) sulloqqortussusillit atorlugit. Qoorortuut eqqarasuartaatit eqittaannartakkallu umiatsiaaqqamiit piniarnermut atorneqaaqqusaanngillat,
- 4) umiatsiaaqqat tamarmik unaaqassapput alertalinnik avataqassallutillu pisap kivisinnginnissaanut naammattunik,
- 5) angallatit ataatsimoorluni piniarnermut peqataasut taamatuttaaq ningittakkanut qalorsuarnulluunniit amoortaateqassapput minnerpaamik tonsinik marlunnik qaqitsissutaasinnaasunik kraftblokimilluunniit atortuligaassallutik,
- 6) piniarneq ingerlanneqassasoq naalakkamit agguaanermut atatillugu najukkami aalisartut piniartullu peqatigiiffianit kommunimillu umiatsiaaqqanik piginnittut akornannit toqqarneqartumit akuersissummillu piginneqataasunit tamanit ilisimaneqartumit aqunneqarluni,
- 7) piniarneq aallartinneqassanngilaq ataatsimoorluni piniarnermut peqataasussat akuersissummik piginneqataasut tamarmik piniarnerup aallartinnissaanik kalerrinneqareertinnagit,
- 8) tikaagullik sapinngisamik pilertortumik toqusarneqassaaq, aamma
- 9) akuersissummik piginneqataasut pisaqarnermi peqataasut pisap agguarneqarnerani ilaatinneqassapput.

Pilaffik

§ 18. Kommunalbestyrelse piffimmi aalisartut piniartullu peqatigiiffiat tusarniareerlugu arfernut angisuunut pilattarfinnik akuerisaasunik toqqaanissamut akisussaasuvoq.

Imm. 2. Arfanniarnermi angallammi ittuusup arfermik pisaqarfimmiit pilaffissamut ungasissuseq qaninnerpaanissaa nakkutigissavaa, asiutitsisoornissaq taamaasillunilu annaasaqarnissaq pinaveersaartinniarlugu.

Pisamik iluaqutiginnineq

§ 19. Kikkulluunniit tikaagullimmik, arfvimmik tikaagulliusaamilluunniit pisaqartut pisarineqartup nerineqarsinnaasortai tamaasa iluaqutigissallugit pisussaapput. Pisarineqartoq tamakkerlugu atorneqarsinnaanngippat tunineqarsinnaaniluunniit pisaqartoq pisussaavoq sinneruttut pisaqarfusumi najugaqartunut tunniutissallugit.

Imm. 2. Arfermik pilanneq kiisalu arferup perlukuinik eqqaaneq inuussutissalerinermi nakkutilliinermik inatsisit avatangiisillu illersorneqarnissaat pillugu inatsisit malillugit pissaaq. Arferup saanikuinik saliinissaq siunertaralugu arferup timaanik inissiigallartarneq pissaaq Namminersorlutik Oqartussat aamma kommunemi oqartussat isumaqatigiissuteqarfialugit. Ilutigalugu Aalisarnermut, Piniarnermut Nunalerinermullu Naalakkersuisoqarfik ilisimatinneqassaaq.

Akuersissutit nakkutilliinerlu

§ 20. Kommunalbestyrelsi Naalakkersuisut pisassatut aalajangersimasaasa iluanni § 3 malillugu arfvinniarnissamut, tikaagulliusaat, takuuk § 6 aamma qipoqqaat, takuuk § 12 akuersissummik inummut atia taasamut imaluunniit angallammut toqqakkamut tunniussissaaq.

Imm. 2. Kommunalbestyrelsi Naalakkersuisut pisassatut aalajangersimasaasa iluanni, § 9 malillugu, ataatsimik tikaagullinnissamut akuersissutinik normulersukkanik angallammut atia taasamut imaluunniit angallammut immikkut tikaagullinniarnissamut piukkunnarsakkamut akuersissutip normuanik ataatsimik tikaagullinnissamut akuersissummik tunniussissaaq.

Imm. 3. Tikaagullinniarnissamut akuersissutit qinnuteqarnikkut, najukkami aalisartut piniartullu peqatigiiffiat tusarniaaffigereerlugu, kommunalbestyrelsimit tunniunneqassapput. Akuersissutit allagartaasut normulersukkat Aalisarnermut, Piniarnermut Nunalerinermullu Aqutsisoqarfiup kommunalbestyrelsimut nassiutissavai.

Imm. 4. Kommunimi akuersissutit agguanneqartut qinnuteqaatinik tiguineqarsimasunit ikinnerussagalarpata tikaagullinniarnissamut agguaaassisoqassaaq tulleriarilluni, ukiumi siuliani pisarineqarsimasut kiisalu akuersissutit atorneqanngitsut eqqarsaatigalugit.

§ 21. Kommunimut pisassiissutit tamarmiut ataatikkut agguanneqassapput.

Imm. 2. Kommunalbestyrelsi tikaagulliusaarniarnissamut arfvinniarnissamut qipoqqarniarnissamulluunniit akuersissutinik tunniussisinnaavoq inunnut inuussutissarsiutigalugu piniarnermut atuuttumik allagartalinnut, aammalu akuerisaasumik tuukkartalimmik qamutililimmik angallatilinnut. Angallammik piginnittoq nammineerluni imaluunniit inuttaasoq qaartartumik tuukkap nuuanut ikkuttakkamik atuinissamut pikkorissartitsinermut peqataasimanermut atuuttumik uppernarsaateqassaaq. Akuersissut tassaaq allagaq kommunalbestyrelsip qinnuteqartumut tikaagulliusaarniarnissamut arfvinniarnissamut qipoqqarniarnissamulluunniit piumasaqaataasunik naammassinnissimasunut tunniussaa.

Imm. 3. Kommunalbestyrelsi tikaagullinniarnissamut akuersissutinik tunniussisinnaavoq inunnut inuussutissarsiutigalugu piniarnermut atuuttumik allagartalinnut, imaluunniit

1) angallammut akuerisamik tuukkartalimmik qamutililimmut, piginnittaalu imaluunniit inuttaasut ilaat arfernut atortartut qaartartut atornissaannut pikkorissarsimanermut uppernarsaammik atuuttumik peqartumut, imaluunniit

2) ataatsimoorluni piniarnissamut immikkut, § 17 malillugu, akuerineqarsimasumut.

Imm. 4. Kinaluunniit angallammut tuukkartalimmik qamutililimmut imaluunniit ataatsimoorluni piniarnissamut ataatsikkut akuersissummik tunineqarsinnaangilaq.

Imm. 5. Ataatsimoorluni piniartoqassatillugu piniarnermut naalakkatut toqqarneqartumut akuersissuteqartoqassaaq. Ataatsimoorluni piniarnermut peqataasussat allat aqqi akuersissutip tunuani allanneqassapput.

Imm. 6. Akuersissutit qaammatisiutit ukiuanut ataatsimut atuupput, taamaattorli takuuk § 24, imm. 4.

Kommunemi ileqqoreqqusaaq

§ 22. Kommunalbestyrelsip nunaqarfimmi aqutsisut aamma najukkami aalisartut piniartullu peqatigiiffiat tusarniaaffigereerlugit kommunip ileqqoreqqusaatigut piumasaqaatinik aalajangersaasinnaavoq, §§ 18, 21, imm. 2, 3 aamma 4 kiisalu § 28-miittunit sukanganerusunik.

Imm. 2. Kommunip ileqqoreqqusai Aalisarnermut, Piniarnermut Nunalerinermullu Naalakkersuisumit atortussangortinneqassapput.

§ 23. Kommunalbestyrelsi tikaagullinniarnissami pisassanut naapertuuttunik akuersissuteqareeripat kommunalbestyrelsip Aalisarnermut Piniarnermut Nunalerinermullu Aqutsisoqarfimmut nassiutissavai akuersissuteqarfigneqartut aqqi, inuttut normui, akuersissutit normui aamma GR-normut pillugit paasissutissat kingusinnerpaamik kommunalbestyrelsip akuersissutitut immersuiffissanik Aqutsisoqarfimmiit tigusaqarnerata kingornatigut qaammat ataaseq qaangiutsinnagu.

Imm. 2. Tikaagullimmik pisaqarnissamut akuersissut Kalaallit Nunaata Kitaani aamma Kangiani atorineqassaaq tikaagullik pisarineqarpat pissanneqarpalluunniit.

Imm. 3. Akuersissut ukiakkut pisassanik sinneruttunik agguasseqqittoqartinnagu atorineqarsimanngitsoq pisassanut agguateqqitassanut ingerlaannartumik ilanngunneqassaaq, tamatumalu kingornatigut akuersissummik piginnittuusimasumit atorineqarsinnaassanani.

Imm. 4. Aalisarnermut, Piniarnermut Nunalerinermullu Aqutsisoqarfiup ukiumi pineqartumi imaluunniit tulluuttumi kommunimi pisassat ikilisissinnaavai paasineqassagalarpat

1) kommunimi akuersissuteqartoqartinnagu tikaagulliusaartoqarsimasoq arfvittoqarsimasoq imaluunniit qipoqqartoqarluniluunniit imaluunniit tikaagulliusaamik arfvimmik qipoqqarmilluunniit pissaasoqarsimasoq,

2) akuersissuteqartoqartinnagu tikaagullittoqarsimasoq imaluunniit pissaasoqarsimasoq, imaluunniit

3) qaammatisiutit ukiuanni akuersissutigineqartunit amerlanerusunik tikaagullittoqarluniluunniit, tikaagulliusaartoqarsimasoq, arfvittoqarsimasoq qipoqqartoqarsimasorluunniit imaluunniit tikaagullinnik tikaagulliusaanik, arfvinnik qipoqqarnilluunniit pissaasoqarsimasoq. Tikaagullinnik, tikaagulliusaanik, arfvinnik imaluunniit qipoqqarnik pisassat ikilisinneqarsinnaapput apeqqutaatinnagu sorliit unioqqutitsivigineqarsimanersut.

Imm. 5. Arfernik eqqissisimatitanik pisaqarneq aallaarsarinninnerluunniit ukiumi pineqartumi ukiumiluunniit tulluuttumi kommunimi inatsisinik unioqqutitsiviusumi pisassat ikilisinneqarnerannik kinguneqarsinnaavoq. Pisassanik ikilisisineq tikaagullittassat, tikaagulliusaartassat, arfvittassat qipoqqartassalluunniit ikilisinneqarnerisigut pisinnaavoq.

Akuersissutitik agguasseqqinneq

§ 24. Kommunalbestyrelsi najukkami aalisartut piniartullu peqatigiiffiat tusarniaavigereerlugu aalajangiisnaavoq akuersissut tunniunneqarsimasoq imaluunniit akuersissutit tunniunneqarsimasut

kommunip iluani nuunneqassasut imaluunniit atorunnaassasut tamanna pillugu allakkatigut telefaxikkulluunnit, radiukkut, aviisitigut, atuagassiatigut assigisaasigulluunniit piffissamit nalunaaruteqarfiusumiit atuutilersumik. Aalisarnermut, Piniarnermut Nunalerinermullu Aqutsisoqarfik tamatuminnga immikkut nalunaarfigineqassaaq.

Imm. 2. Nalunaaruteqartoqareerpat akuersissummik piginnittup imaluunniit akuersissutinik piginnittut akuersissut, imaluunniit akuersissutit kommunalbestyrelsimut tunniutissavaat.

Imm. 3. Aalisarnermut, Piniarnermut Nunalerinermullu Aqutsisoqarfiup kommunalbestyrelsi piumaffigisinnaavaa imm. 1 naapertorlugu akuersissutit tunniunneqarsimasut atorunnaarseqqullugit, tassa kommunalbestyrelsi piffissaq eqqorlugu arfernik angisuunik pisanik pissatanillu nalunaarutiginnittarnek pillugu Namminersornerullutik Oqartussat nalunaarutaanni maleruagassat malillugit arferit pisat pissatallu pillugit Aqutsisoqarfimmut nalunaaruteqarsimanngippat.

Imm. 4. Aalisarnermut, Piniarnermut Nunalerinermullu Aqutsisoqarfik KNAPK-mut aamma KANUKOKA-mut siumut tusarniaaerluni radio tusagassiorfillu allat aqqutigalugit nalunaaruteqarsinnaavoq, akuersissutit atortussanngortinneqarsimasut kommunip iluani imaluunniit kommunemut allamut nuunneqartut imaluunniit atorunnaarsinneqartut piffissaq nalunaaruteqarfusoq aallarnerfigalugu. Taamaalippat akuersissutit utertinneqassapput, takuuk imm. 2.

Pisassanik agguasseqqinneq

§ 25. Aalisarnermut, Piniarnermut Nunalerinermullu Aqutsisoqarfiup, KNAPK aamma KANUKOKA tusarniaavigereerlugit tikaagulliit, tikaagulliusaat, arfiviit aamma qipoqqaat pisassat sinneruttut agguaaateqqissavai. Kingusinnerpaamik taamatut agguasseqqittoqassaaq qaammatisiutit ukiuini tamani septembarip ulluisa 15-ianni. Arfanniarnek agguasseqqinnissaq ullormik ataatsimik sioqqullugu inerteqqutaavoq aatsaallu aallarteqqinneqarsinnaalluni kommunalbestyrelse najukkami aalisartut peqatigiiffiattusarniaavigereerlugu nutaamik agguasseqqereerpat tamanullu nalunaaruteqareerpat.

Imm. 2. Agguasseqqinneq tamatumanilu piumasaqaatit pillugit nalunaarut tamanut tusarliunneqassaaq sapinngisamik radio tusagassiorfillu allat aqqutigalugit.

Imm. 3. Piffissami augustip ulluisa 15-ianniit agguasseqqinnissap tungaanut tikaagullinniartoqarnissaa, tikaagulliusaarniartoqarnissaa, arfvinniartoqarnissaa qipoqqarniartoqarnissaalu eqqarsaatigalugit kommunalbestyrelsit ataasiakkaat pisassaminnik sinneruttunik akunnerminni agguasseqqissinnaapput. Agguasseqqinneq pissaaq kommunini pineqartuni najukkani aalisartut piniartullu peqatigiiffi tusarniaavigereerlugit.

Imm. 4. Sermersuup kommuniani Ammassalimmi aamma Ittoqqortoormiuni nunap immikkoortuani inuussutissarsiornermut allaffiup sumiiffinni KNAPP-it suleqatigalugit 15. augustip kinguninngua Kalaallit Nunaanni Tunumi pisassiissutinik agguasseqqinnissaq akunnerminni oqallisigisinnaavaat.

Imm. 5. Imm. 3 aamma 4 naapertorlugu agguasseqqissinnaanerit pillugit aalajangiinerit allakkatigut kingusinnerpaamik agguasseqqinnissaq sapaatip akunneranik ataatsimik sioqqullugu Aalisarnermut Piniarnermut Nunalerinermullu Aqutsisoqarfimmut nalunaarutigineqassapput. Taamatuttaaq pisassanik sinneruttunik agguasseqqinnerup inernera nalunaarutigineqassaaq.

Imm. 6. Aalisarnermut Piniarnermut Nunalerinermullu Aqutsisoqarfiup, KNAPK aamma KANUKOKA tusarniaavigereerlugit, radio tusagassiorfilluunnit allat aqqutigalugit nalunaaruteqarsinnaavoq akuersissutit tunniunneqarsimasut kommunimut allamut imaluunniit kommunip iluani nuunneqartut

imaluunniit ullormi nalunaarutip naalunaarutigineqarneraniit atorunnaartut. Tamatuma kingorna akuersissutit utertinneqassapput.

Pisanik tuniniaaneq

§ 26. Tikaagulliit, tikaagulliusaat, arfiviit qipoqqaalluunniit pisinartut tuniniarneqalissanngillat kommunip allaffia taassumaluunniit immikkoortortaqarfia akuersissummi naqitsimmik naqissusiilluni pisinartutunik nalunaarsuereertinnagu.

Imm. 2. Qamutilimmik tuukkartalimmik piniarnissamut akuersissummi piginnittoq naqitsimmik naqissusiisoqartinnagu pisussaavoq tuukkarmik qaartartortalimmik pisiami allagartaa takutissallugu kiisalu qaartartut atoriikkani takutissallugit normuisa misissorneqarnissaat siunertaralugu.

Imm. 3. Pisamik imaluunniit ilaanik tuniniaallunilu pisisoqassanngilaq akuersissummi piginnittoq akuersissutit assilineranut uppersaasutit atsiortinnagu. Assilinerani takuneqarsinnaassaaq, pisag kommunimi oqartussaasunit nalunaarsorneqarsimasoq.

Imm. 4. Taamaattorli allaffiup ammanerata avataatigut tuniniaasoqalersinnaavoq, allaffiup ammanerata kingornatigut piaartumik nalunaarsuisoqassapput.

Misissugassat

§ 27. Kinaluunniit arfermik angisuumik pisaqarsimasoq pisussaavoq pisap mattaanik aamma neqaanik anginngitsunik misissugassanik kommunip allaffianut tunniussissalluni pilannerup kingornatigut piaartumik pisap suunera, ulloq sumilu pisinartarsimanera nalunaarutigalugit. Misissugassat Pinngortitaleriffiup plastikimik puussarititaanut tunniunneqarsimasumut asiunaveersaammik imerpalasortalimmut ikineqassapput.

Imm. 2. Misissugassat paasissutissallu tunniunneqartut kommunip allaffiata Pinngortitaleriffimmut, Box 570, 3900 Nuuk, tigunerisa kingornatigut erniinnaq ingerlateqqillugit nassiutissavai.

Arfernik takornarniartitsisarneq

§ 28. Kommunemi ileqqoreqqusatigut arfanniarneq aamma arfernik takornarniartitsineq pillugu kommunemi ileqqoreqqusakut malittarisassiunneqarsinnaavoq. Kommunalbestyrelsep isumagissavaa soqutigisaqaqatigiit attuumassuteqartut tamaasa tusarniarnissaat.

Immikkut akuersissuteqartarneq

§ 29. Aalisarnermut, Piniarnermut Nunalerinermullu Naalakkersuisoqarfik ilisimatusarnermut atugassanik nalunaarummi matumani aalajangersakkanik immikkut saneqqutsisoqarnissaanut akuersissuteqarsinnaavoq.

Nunanut allanut tuniniaaneq pineqaatissiisutillu

§ 30. Arferit angisuut neqaannik niuernikkut iluanaarniuteqarnermik siunertaqartumik nunanut allanut annissineq inerteqqutaavoq. Taamaattorli arferit angisuut § 27 naapertorlugu pisinartut ilamerngi nunanut allanut anninneqarsinnaapput.

§ 31. Pillaammik akiliisitsisoqarsinnaavoq § 2-mik, §§ 4 aamma 5-imik, §§ 7 aamma 8-mik, § 12-14-imik, § 17. imm. 5-imik, §§ 18-19-imik, § 24, imm. 4-mik, § 25 imm. 6-imik, §§ 26-28-mik kiisalu § 30-mik unioqqutitsisumut.

Imm. 2. Akiliisitsinernik suliat piniarneq aallaaniarnerlu pillugit Inatsisartut inatsisaanni, Inatsisartut uumasut illersorneqarnissaat pillugu inatsisaanni aamma Inatsisartut pinngortitap illersorneqarnissaat pillugu inatsisaanni malittarisassat malillugit suliarineqartassapput.

Atuutilernera

§ 32. Nalunaarut 13. august 2010 atuutilerpoq.

Imm. 2. Peqatigitillugu arfernik angisuunik piniarneq pillugu Namminersornerullutik Oqartussat nalunaarutaat nr. 9, 17. april 2009-imeersoq atorunnaarsinneqarpoq.

Imm. 3. Akuersissutit nalunaarutip atuutilernerani sulii atuuttut nalunaarummi matumani aalajangersakkat naapertorlugit ingerlaannassapput.

Namminersorlutik Oqartussat, ulloq 16. juli 2010.

Ane Hansen

/

Jens K. Lyberth

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut